

CTO. GALEGO DE NATACIÓN JÚNIOR DE INVERNO XUNTA DE GALICIA - COPA GALEGA SÉNIOR

Tempada 2025/26. Circular 25-19.

1. Organización, data e sede

1. Celebrarase a nivel autonómico en dúas xornadas cunha dobre sesión cada unha.
2. Disputarase en piscina de 50 metros
3. As datas e lugar de celebración serán as establecidas no calendario de natación.
4. As sesións de mañá comezarán ás 9:30 horas e as da tarde ás 17:00 horas. A hora de inicio poderá ser modificada en función das inscricións finais a criterio da Comisión Técnica.
5. A piscina deberá estar a disposición dos equipos participantes 120 minutos antes do comezo de cada sesión e 30 minutos despois da súa finalización, así como o día anterior ao campionato en horario de tarde e previa solicitude dos clubs interesados ao club organizador. Os nadadores teñen dereito a quentar até 15 minutos antes do comezo da sesión.

2. Programa de probas

Sábado mañá: Sesión 1	Domingo mañá: Sesión 3
1. 100 m Libre Feminino 2. 50 m Libre Masculino 3. 400 m Estilos Feminino 4. 100 m Costas Masculino 5. 50 m Costas Feminino 6. 200 m Bolboreta Masculino 7. 200 m Bolboreta Feminino 8. 1500 m Libre Masculino 9. 4x200 m Libre Feminino Júnior	19. 200 m Libre Masculino 20. 400 m Libre Feminino 21. 200 m Braza Masculino 22. 200 m Braza Feminino 23. 200 m Costas Masculino 24. 200 m Costas Feminino 25. 50 m Bolboreta Masculino 26. 50 m Bolboreta Feminino 27. 800 m Libre Masculino 28. 4x100 m Libre Feminino Júnior 29. 4x100 m Libre Masculino Júnior
Sábado tarde: Sesión 2	Domingo tarde: Sesión 4
10. 100 m Libre Masculino 11. 50 m Libre Feminino 12. 400 m Estilos Masculino 13. 100 m Braza Feminino 14. 100 m Braza Masculino 15. 100 m Costas Feminino 16. 50 m Costas Masculino 17. 1500 m Libre Feminino 18. 4x200 m Libre Masculino Júnior	30. 200 m Libre Feminino 31. 400 m Libre Masculino 32. 100 m Bolboreta Feminino 33. 100 m Bolboreta Masculino 34. 200 m Estilos Feminino 35. 200 m Estilos Masculino 36. 50 m Braza Feminino 37. 50 m Braza Masculino 38. 800 m Libre Feminino 39. 4x100 m Estilos Masculino Júnior 40. 4x100 m Estilos Feminino Júnior

3. Participación

1. Este regulamento está destinado ás seguintes categorías:
 - a) Junior Masculino: Nacidos nos anos 2010, 2009 e 2008
 - b) Junior Feminino: Nacidas nos anos 2010, 2009 e 2008
 - c) Copa Galega Sénior Masculino: Nacidos nos anos 2007 e anteriores.
 - d) Copa Galega Sénior Feminino: Nacidas nos anos 2007 e anteriores.
2. Para o Campionato Junior a participación está aberta a todos os nadadores das categorías sinaladas neste regulamento e que teñan acreditada a marca mínima.
3. Para a Copa Galega Sénior estará aberta a participación de nadadores que acrediten acadar as marcas mínimas establecidas (absoluta e Sub 20). Haberá unha única serie cos 8 mellores tempos de rexistro. A orde de entrada farase seguindo os criterios de mellores marcas de inscrición.
4. Cada nadador poderá participar nun máximo de catro probas individuais e todas as remudas.
5. Os nadadores con discapacidade funcional e/ou visuais só poderán participar nas probas indicadas no anexo I e só terán unha mínima.
6. Non hai limitación no número de nadadores por club e proba.
7. Para o Campionato Junior, cada club poderá inscribir un único equipo de remudas por proba e categoría sempre que teña acreditada a marca mínima sumando os tempos de 4 nadadores en probas individuais, ou ben se realice nunha remuda con nadadores incluídos nas categorías de referencia.
8. O nadador que non se presente a unha proba para a que estea inscrito poderá participar noutras na mesma sesión cunha penalización económica.
9. Admitiranse baixas e composicións de remudas até 60 minutos antes do inicio de cada sesión.

4. Inscricións

1. Realizaranse a través da plataforma de inscricións e remitirase á Federación por correo electrónico (inscricions@fegan.org) o rexistro de inscrición que o propio programa xera. Xunto co dito rexistro, enviarase no mesmo correo electrónico o xustificante do pagamento da inscrición.
2. As inscricións para o campionato deberán ser recibidas pola FEGAN con 12 días de antelación ao comezo da competición, sendo responsabilidade do club que realiza a inscrición asegurarse de que a recibiu a FEGAN.
3. Os nadadores que participen só en remudas deberán inscribirse na proba extra que se creará nas inscricións do campionato para tal efecto (normalmente 25 libre mixto).
4. Os nadadores con discapacidade inscribíranse segundo o anexo II deste regulamento.

5. Fórmula de competición

1. Todas as probas realizaranse contra o reloxo con ambas categorías xuntas.
2. Os criterios de puntuación para a categoría júnior serán os seguintes:
 - a) Para puntuar será necesario referendar a marca mínima da proba.
 - b) Só se terán en conta para puntuar en cada proba individual un máximo de dous nadadores por club, independentemente de quen participe. Os clasificados posteriormente non serán



puntuados, e concederase o dereito a puntuar ao seguinte da clasificación que non sexa dese mesmo club.

- c) Puntuarán os 16 primeiros clasificados en cada proba individual/remudas.
- d) A puntuación nas probas individuais será: 19, 16, 14, 13, 12, 11, 10, 9, 8, 7, 6, 5, 4, 3, 2, 1.
- e) A puntuación nas probas de remudas será: 38, 32, 28, 26, 24, 22, 20, 18, 16, 14, 12, 10, 8, 6, 4, 2.

3. A Copa Sénior non ten puntuación

4. Os récords batidos ou igualados na competición individual, independentemente do posto, terán a puntuación extra que se indica a continuación:

- a) Mellor Marca Galega en idade júnior : 3 puntos
- b) Mellor Marca Nacional en idade júnior : 6 puntos

5. Estas puntuacións extra non se acumulan entre si na mesma proba, prevalecendo sempre a de maior puntuación.

6. Clasificacións

1. Faranse as seguintes clasificacións para a categoría júnior:

- a) Clasificación masculina. Suma de puntos acadados nas probas masculinas.
- b) Clasificación feminina. Suma de puntos acadados nas probas femininas.
- c) Clasificación total. Suma de puntos da clasificación masculina e feminina.

O club que obteña maior puntuación proclamarase Campión Galego Junior de Inverno.

7. Títulos e premios

1. Entregaranse medallas aos tres primeiros clasificados na categoría júnior de cada proba masculina e feminina da seguinte maneira:

- a) Nacidos e nadas nos anos 2008 e 2009.
- b) Nacidos e nadas no ano 2010.

2. Medalla para os tres primeiros clasificados nas categorías de discapacidade funcional e/ou visual segundo os criterios recollidos no regulamento do Comité Internacional de Natación Paralímpica (IPC Swimming). (Pódese descargar o regulamento na sección de circulares da FEGAN.)

3. Trofeo aos nadadores e nadadoras coas tres mellores marcas masculinas e femininas por puntuación WAQ en categoría sénior. So se terá en conta unha marca por nadador e nadadora.

4. Trofeos para os clubs campións en cada unha das clasificacións sinaladas neste regulamento (Punto 6), excepto para os clubs con nadadores con discapacidade funcional e/ou visual.

8. Marcas Mínimas

1. Serán as sinaladas na circular de marcas mínimas desta tempada para as categorías referidas a este campionato.

2. Teranse en conta as marcas obtidas entre o 1 outubro de 2024 e o 18 de xaneiro de 2026

Anexo I

As probas e categorías nas que poden participar nadadores con discapacidade funcional e/ou visual son:

50L	100L	200L	50E	100E	50B	100B	50M	100M	200S
S1-S13	S1-S13	S2-S13	S1-S13	S1-S13	S2-S9 S11-S13	S2-S9 S11-S13	S3-S13	S5-S13	S3-S13

Anexo II

1. A inscrición dos nadadores con discapacidade deberá enviarse acompañada da FICHA DE VALORACIÓN FUNCIONAL na que se determine a clase na que se clasifican para cada estilo.

O custo da avaliación correrá a cargo do deportista.

Para facilitar a avaliación, aconséllase levar os informes de lesións, se están dispoñíbles.

2. As marcas de inscrición deberán terse obtidas en competicións oficiais, ben no calendario FEDDF ou FEGAN.

3. Tanto no Campionato Galego como nas demais competicións da FEGAN nas que participen, serán aplicadas polos Xuíces e Árbitros da competición as recomendacións contempladas no Manual de Árbitros de Natación (CNA) no apartado No 18 Nadadores con Discapacidade.

4. No momento de tramitar a licenza de deportista, hai que sinalar que se trata dun nadador con discapacidade.

A Coruña, xullo 2025